

四庫全書

史部

欽定四庫全書

史部

廣西通志卷三十一

詳校官給事中臣鄧文泮

檢討臣德生覆勘

總校官進士臣朱鈞

校對官中書臣李荃

謄錄監生臣徐天駿

欽定四庫全書

廣西通志卷三十一

物產

菽粟麻象農圃之業生民衣食所尚也若夫鳥獸草木蟲魚六經咸載多識其名而箋釋其品彙之各殊亦學士大夫所有事矣粵西自昔稱炎州厥產之贏菽粟麻象外如黃蕉如丹荔如勾漏之砂湘灘之草雜見於百家傳記寧第足以補埤雅資

博物耶爰分部十一府所產類次於編大都皆物  
土所宜均須異適罔敢侈談竒瓌者用識

聖人在上不貴異物云爾志物產

桂林府

銀出臨桂水槽野雞義寧牛路山

銅出臨桂陽朔

硝各州縣出

石全州湘江者佳案雲林石譜云湘岸狹處有土

石山懸石如鍾乳嵌空巉巖萬狀扣之清越以長  
其色若靈璧青翠可喜

鍾乳臨桂興安陽朔者佳案范成大云凡石脈湧  
處乳狀融結下垂其端輕薄中空如鵝管水乳且  
滴且結以竹管仰承之乃最精者

滑石乃石之脂膏也臨桂出案本草綱目色正白  
初取軟如泥久漸堅強以滑膩無硬者為良

玉米白如雪圓如珠品之最貴者

八方粘靈川出

馬皮禾灌陽出

八月鮮灌陽出

黑節糯陽朔出

穉似黍而穗異生三四歧若手指然以耐旱故高  
亢之地多種之

小粟各縣出

菽俗名豆有紅黃黑白等種

紅豆色並珊瑚圓轉如珠出永寧灌陽

陳豆即蠶豆海寧陳公元龍攜種遺民民乃得食

因名

白菜色味俱佳

苦蕒即芑能解蟲毒

藤菜一名紫果見東坡詩

臺心菜俗名油菜味與江南不殊而氣候差別每

秋九月即採食訖春三月迺已

瓠菜種水口攀藤而生

苧蒿以滾湯煮之乃有味

玉枕諸出深山邃谷有重數十觔者

水韭出野塘中葉似韭長可二三尺五六兩月堪食不葷而脆

筍各州縣出有甜苦二種

金瓜即番冬瓜永寧出者佳

木瓜永寧出



荔枝色黃味甘雖差小於粵東殊不減挂綠牟尼  
光

石榴有紅白二種

葡萄有紫青水晶三種

九層皮各州縣出

梅子各州縣出案北戶錄云嶺南之梅小於江左  
居人採之雜以朱槿花和鹽曝之其色為槿花所  
染鮮妍悅目

特乃子狀類榧而圓長端正

芡即雞頭菱

古米子殼黃中有仁如米粒

茶各州縣出而臨桂之劉仙巖興安之六峯全州  
之清湘特佳

木綿即班枝花案羣芳譜云樹大可合抱高四五  
丈葉黃花紅如山茶而瓣極厚

赤麻出永福義寧

紙各州縣出又竹紙出六峯近設官廠製頗光潔  
蠟各州縣出有黃白二種

桂酒臨桂出

竹器靈川出

瓦缶灌陽出

斑布各州縣出案南越志云古終藤結實如鵝毳  
核如珠治出核紡如絲綿染為斑布

鳳眼布全州出

土布義寧出

白茅香種出交趾用以合諸名香甚竒妙尤勝舶上來者葉本草綱目云草根色白狀如細柳

排草香狀如白茅芬烈如麝香

零陵香全州出葉酷似杜若紅白相間又名千步草

桐油子樹類梧桐而不甚高大三月花開色白瓣上界一紅絲子如核桃七八月取其子作油為用

甚廣

斑竹永福出紋細黑如羅紋如龜貝以沙磨濯其  
花始見

壽竹各州縣出

猫竹大者可屋嫩者可紙

箭幹竹節疎肉厚

笙竹可為篋以織器

沙麻竹大如臂厚而中空堪為椽梁種者每截二

寸許釘入土中即生根葉明年長筍不三載而成  
林蓋土地所宜也

松全州者較古宋楊文廣所植

無患木俗名苦珠子可去垢兼愈箭瘡

杉義寧出者佳

穀木皮可為紙

桂各州縣出其大者至十圍終年蔥蒨秋風花發  
四遠香聞至冬結子枝頭如小蓮子狀又四季桂

冬花尤盛

桃花發於正月節

蘭各州縣出而灌陽之種尤夥

賽蘭全州出

牡丹出靈川灌陽

石竹即錦竹各州縣出

佛桑樹即朱槿花案嶺表錄異云高祇四五尺枝  
葉婆娑自二月開花至於冬中其花深紅五出如

大蜀葵有藥一條長於花葉上綴金屑日光所爍  
疑有燄生一叢之上日開數百朵

石榴有紅白二種四時花開不絕亦有千葉者春  
花夏盛

紅苴蔻花與草苴蔻異案虞衡志云此花叢生葉  
瘦如碧蘆春未始花開時先抽一幹一大箨包之  
箨解花見一穗數十藥淡紅鮮妍如桃杏色藥重  
下垂如葡萄每藥有心兩瓣相並詞人比之比目



連理

梔子花形似小蓮花色純白瓣極厚而香甚韻  
仙人掌草味微苦澁無毒貼石壁而生如人掌故  
名與甘草浸酒服可治腸痔瀉血

薯良形如柚子蔓生以之浸酒色微紅其香味久  
而不變

龍鬚草全州出者可為蓆

五折草全州出

睡草一名醉草案述異記桂林有睡草見之則令人睡即此亦呼懶婦箴

翡翠各州縣出案異物志形似燕而翡差大翡赤翠青其羽可以為飾

山鳳凰即錦雞

交趾鴨臨桂出紅喙翠掌白羽

長鳴雞各州縣出長距善鬪而鳴則不拘時刻因名

馬出陽朔永寧永福

猴陽朔出

黃羊深褐色黑花白斑而與鹿相近

竹鼠即竹鼯形似鼠大於猫而身微短善穿穴性嗜竹故名

石麟各州縣出又名山蛤味佳

蟋蟀春深夏淺即長鳴

水蛙味可食案嶺南雜記石蛤一名坐魚即蛙之

大者耳重者魴許土人連皮食之

蛤蚧雌雄皆可入藥

鯽魚出象鼻山下其形微圓味極甘美

魴魚靈川出四足有角聲如小兒

乳穴魚出興安盤龍山魚皆四足修尾丹腹人莫敢犯

龜有水龜神龜二種神龜一名神屋大如拳而色如金上甲兩邊如鋸齒爪甚利能緣木

穿山甲即鮫鯉可入藥

石菖蒲永寧有九節者

薏苡仁各州縣出

倚待草各州縣出葉圓高二三尺八月始采案本草綱目味甘溫無毒主治血氣

案舊志載白貘龐降諸物產祇以傳疑今不敢傳會而菽粟瓜蒞等類與各省同產而節候不甚懸殊者亦槩從其畧他若傷生及害物者八條特附

篇末以俟參考

附天蛇出幽陰地遇雨後則生其大如筋而匾長三四尺色黃赤澆之以醋則消或以石灰糝之亦死人遭其螫而為露水所濡則徧身潰爛惟以秦皮煮汁一斗令其恣飲乃無患

胡蔓草出山溪間葉似茶而尾尖每依日為向背人服之旋飲溪水毒即發心腹腫痛面青腸斷而斃若未飲水猶可解用人糞汁灌之吐出

此草再殺生雞雛搗漿水乘熱灌治可活

斷腸草一名苦蔓藤即周禮所謂地慝是也形似黃精其花皎好似芙蓉太白詩云昔作芙蓉花今為斷腸草本此羊食此草而肥故人中其毒者用羊血灌治或以伏卵未生雛者細研之和香油灌治或以狗尿調水灌治必令吐出方愈

杭藥出深山中鳥不敢棲其上葉赤雅形似獨

窠蒜人中毒就其生處採煎忌雞犬聲用蘸弩矢試之法以鍼刺臂血仍用拇指緊按刺孔令人蘸粟許趕血血縮倒回者方可用不先按其刺孔血縮入肉其人立死如不縮者雞犬聲敗之也

菌毒案朝野僉載云食治葛而死埋之土堆上生菌子其正當腹上者食之立死手足額上生者當日死旁自外者數日死漸遠者或一月兩



月全遠者或二年三年無得活者復案草木狀以蒟菜汁滴其苗當日即萎世傳魏武能噉治葛至一尺云先食此菜

毒蜂菌毒所化案酉陽雜俎云毒菌夜明經雨而腐化為巨蜂黑色喙若鋸長三分餘夜入人耳鼻中斷人心繫

山豬即毫豬案方輿勝覽云身有棘刺能振發以禦人或二三百為羣以害禾稼

火旺草毒魚立死

平樂府

銀出賀縣蕉木山尖山荔浦茶谿山

錫出賀縣富川峯嶠南瑣記云粵中多產錫以賀  
出者為最

鷺掌粟一名剗子

龍爪豆各州縣出

虎斑豆各州縣出

皂角豆昭平出

野韭出平樂東亭村北石林

蕓菜出府江

猴菜各州縣出色赤生石上紫天祿識餘謂之鹿  
角菜

菘蓬汁可洗衣白如玉色

胥豆菜各州縣出

金瓜各州縣出

葡萄各州縣出

佛手柑出昭平案本草綱目似朱欒而葉尖長植  
之近水乃生其實狀如人手有指因名

柚有紅白二種

菩提子狀如沙果香甜適口其核可為經珠

黏子一名逃軍糧味酸甜可食八九月熟色紅子  
細而多趙炯詩云枝生榦挺葉花厚四月之中花  
欲然思駕海棠渾不睡魂隨豈蕊好相憐落霞片

片明如繡結實垂垂黑正圓何有逃軍堪採食時  
平無那佐炊烟

筍出荔浦者佳馬援所稱苞筍即此

芡各州縣出

榛似栗而小俗呼為錐子

茶恭城出

芭蕉莎可為雨衣

白藤各州縣出頗利結束

吉貝即木綿各州縣出案文昌雜錄閩嶺以南多  
木綿土人競植之其花成對如鸞毳採花作布與  
苧不異即方勻泊宅編所謂白疊布也

獠布各獠尚出甚鮮新兼能耐久

臥蓆富川出工緻精密其草則產自湖廣

藍靛出修仁昭平

陵零香修仁出

大竹出賀縣東山其節大者受一斛小者數升

莓綠竹荔浦出抽筍解籜時便生莓苔周遭於花  
紋之上迨既老採取用泥沙滌去而花紋乃見故  
名

筍竹長可二丈許圍則數寸至堅利可為矛

猫竹各州縣出

鹽漿木質類石鹽平樂出

荆昭平出有三種詳見南寧府

柎木平樂出葉似杏而尖白色皮正赤其理多曲

而少直可為弓弩之幹

桐各州縣出有雞桐水桐二種

桑各州縣出

珍珠蘭平樂出花極香而根微有毒蒸花露者宜  
忌

千葉榴各州縣出

牡丹平樂出

合包花一名半年紅荔浦出



桂花有白色者

翠瑤草出荔江邊

萋昭平出

接骨草即土牛膝又名四季花莖綠而圓葉長而  
尖跌傷骨節搗爛敷之立效

紅頂鶴昭平出

山鳳凰各州縣出

鷓鴣其鳴則自號而飛長向日案古今注鷓鴣畏

霜露早晚稀出時而夜飛以樹葉覆其背上

竹鼠恭城出

山羊各州縣出其血治跌撲傷損及諸血症以分許和酒飲之立效土人云見人則決驟而去跳躍如飛非足力所及須密布繩草以冒其足始能生致

蠶修仁出

水蛙各州縣出

金背有尖圓二種可為釵飾

遊風魚出恭城石盆山味甘滑

蟹賀縣出

肥兒草能治小兒諸疾且療痧脹

桑寄生各州縣出案東方朔傳在樹為寄生在地  
為窠藪

縮砂苗似薑形似白豆蔻出足灘以下者不減羅  
浮所產

黃精各州縣出俗名野仙薑

三七恭城出其莖七葉三根故名形似白及有節  
味微甘以末摻豬血中化為水者真

附墨荔出平樂修仁荔浦賀縣皮肉核俱黑如墨  
味臭而苦辣有毒不可食悞食之令人心腐腸  
爛而死嗟乎墨荔者墨吏也而元歐陽玄詠詩  
反似揚之何耶詩曰當年千里騎塵紅生色羅  
襦濕翠濃今日似嫌妃子浣蕭然翻有墨君風

鴉黑身赤目頸長七八寸毛羽則紫綠色雄曰  
運日雌曰陰諧以其毛瀝飲食則殺人

蛇毒草各州縣出案虞衡志蠻人製箭取其汁  
濡之中者立死

斷腸草各州縣出

梧州府

金出蒼梧芋茨山今封

銀出懷集鐵屎坪將軍山汶廣山

早稻猺人多植於山近民亦效之

鶯眉豆即匾豆白者佳

紅豆藤縣出

東風菜味如酪香氣似馬蘭

鶯腸菜似鶯腸而脆各縣出

鴨舌菜出容縣者佳

白金瓜出蒼梧長洲春花夏實秋熟九蒸九曬用

以浸酒能潤肺

龍眼枝葉差小於荔枝殼青黃色形圓肉白其甘如蜜一朶五六十顆作穗如葡萄然荔枝實後則龍眼熟故謂之荔奴

六旺即九層皮色黑其實如栗

櫻桃一名含桃

羊桃俗呼五斂子瓣五出如田家碌碡狀以蜜漬之甘酸而美

蚺蛇藤各縣出案廣州志凡有蚺蛇處即有此捕

蛇者以圍牽之輒不敢動

藤白藤外又有黃藤膠藤黃則熬汁為膏可充眼藥膠則取其汁和沙土甚堅

絡布以絡麻績成因名各縣出

蕉布較絡布畧粗而能經久取芭蕉皮為質

竹簞懷集出

靛即藍草各縣出

藤合屈藤盤繞成榼以漆護之各縣出



龜甲香神屋緣木用以合泥香能成溫磨之氣  
方文竹皮有斑文如篆畫竿方若矩懷集出

籐竹為籐籬鞏固於磚

釣絲竹蒼梧出狀類蕩竹而枝極柔軟當風如細  
柳

篋篋竹質甚澁可礪指甲本產思牢國李商隱射  
魚曲思牢弩箭磨青石繡額蠻渠三虎力謂此

鐵力木一名石鹽一名鐵稜文理堅緻藤容出案

嶠南瑣記謂木力僅可百餘年亦未足信

雞翅木各縣出白質黑章身如雞翅而多結瘿又名瘿子木作素珠可雜伽楠

荆紫色者佳

桃花十二月開且結子

木指甲似木稗而色稍白

瓊枝樹即木綿春初著花爛然奪目

鐵線梅蒼梧出

樹蘭高可丈餘花似魚子蘭而香味則過之五葉者貴

雞爪蘭即魚子蘭

甘蕉葉長丈許花大如酒杯形色如芙蓉每花一闔各有六子先後相次子不俱生花不俱落

暹羅菊蒼梧出來自暹羅因名

苓香草各縣出

大蒿各縣出案虞衡志云於無霜雪處年深滋長

大者可作屋柱小亦中肩輿之杠

翡翠各縣出

比翼鳥一眼一翼雌雄相合乃能飛

秋風鳥出蒼藤江狀類麻雀當秋八月而魚秧化  
生者

鹿懷集出

山馬似馬而有角毛似牛肉味美皮可為臥具能

禦濕

蚺蛇可辟不祥膽入藥畏葛藤案嶺表錄異云大者五六丈圍四五尺次者不下三四丈圍亦稱是身有斑文如錦又酉陽雜俎其膽護身隨擊而聚取粟許置水上旋行極速者真

烏蛇浸酒可治風藤縣出

鱖魚近戎墟江穴中大可數百觔者

嘉魚出火山丙穴如小鮐魚魚多脂煎不假油

鯖魚出藤縣者佳

玳瑁魚色如玳瑁斑文甚細

塘虱魚各縣出

半邊魚出懷集花石洞釣磯潭其魚左邊具目腮  
鱗翅右邊則止薄皮相傳昔有仙人斫生魚鱠洗  
脫半邊因化生

天蝦天蛤隨雨而至人取鹵之不取亦化蓋為海  
風攝至者

鯖魚膽藤縣出性涼味苦主療火眼其枕骨刮磨

光潔老人用以拭目

石羊血能療跌打損傷案羅浮記云石羊色黑類  
人家羊而躡捷其角燒紙為火罐能收頭風其皮  
作褥可愈筋骨疼痛

桑寄生出蒼梧長洲者佳

艾出容縣烏石潭

九里明作飲可解熱毒瘳目疾

澤蘭蒼梧出一名水香又名都梁香花帶紫白色

萼通紫色根名地筍可食紫黑色

附藍蛇出陳家洞首有大毒尾能解毒土人以首  
合藥謂之藍藥毒人立死取尾為腊即可解

十二時蟲案嶺南異物志容州有蟲如守宮身  
圓而頸長頭有冠色隨時變土人不能名呼為  
十二時蟲齧之則不可療

苦芴草葉似茶花黃而小一葉入口腸如刀芴  
案本草綱目即鈎吻係治葛之苗



羊角紐一名苦蔓藤一名三跳藤即斷腸草各  
縣出

潯州府

玉米各縣出

蟬鳴稻六十日熟

坎菜至冬乃出有紅白二種中實性辣能驅寒

匾菜長可一二尺細莖葉匾如薤菜

荔枝平南出南漢梁嵩有橘柚遠慙登貢籍鹽梅

應合共和羹之句

甘蔗各縣出

餘甘子形味類橄欖初入口澁而酸餘水乃甘案  
羣芳譜一名菴摩勒

蠶絲色黃似繭綢出羅秀一二里

西山茶出桂平西山

龍山茶出貴縣龍山

葛布貴縣者佳俗呼為潯州葛

苓香出平南朋化里內猺山

壽竹各縣出

方竹出貴縣西山詳見鎮安府

枕榔竹一幹挺出高可數丈身直如杉上著花每  
數十穗綠色

釣絲竹各縣出

娑羅樹一名七葉樹案花木考枝甚巨每枝上有  
七葉花穗甚長色黃如栗秋後結實味亦如之

漆木各縣出

水松一名椶葉似檜而細長多植水中

觀音蘭葉如芭蕉花似蘭又有觀音蓮亦以花之似者而名其葉極大可禦雨

仙人掌草各縣出

糖牛性嗜鹽其角如玉俗呼為明角牛各縣出

蚰蛇出平南大同里

桂蠹生桂樹間色紫辛香有味治痰疾

蠶各縣出

魚出貴縣南澗者佳味甘美即名南澗魚

蛇黃出平南廂一里蛇黃嶺

桂心出紫荆山即桂皮根上厚皮內之肉其稍薄者名桂皮樹之小枝名桂枝案本草綱目分三等用

附苦蔓草貴縣出

悶陀羅人食之則顛悶軟弱急用水噴面乃解

土人呼為顛茄

南寧府

鉛砂出宣化紅花嶺沿井淶鳳凰山獅子嶺

自然銅即石髓鉛出山之巖石間方員不定其色  
青黃如銅

雄黃出果化土州定西山

茄有紫白二種宿根及二三年枝幹乃如大樹每  
夏秋熟則梯取之其根燒灰可以煨香

雷菌出橫州雷後即生須急取稍遲非腐則老不堪用矣作羹甚美與雞縱並珍

李有珍珠麥黃苦郁素門五種各州縣及各土州俱出

黃皮果橫州出狀如練子及小棗而味畧酸

橘有火燄金蜜繡四種各州縣出案本草綱目金橘為冠

牛柑子一名牛肝子永淳出

波斯橄欖宣化出案羣芳譜云生邕州者核作兩瓣蜜漬鹽浸皆可經久

芭蕉子永淳出心抽一莖叢生一二十筴形如肥皂而三稜剖之肉爛而甘

波羅蜜宣化出不花而實實生枝間及根上案本草綱目樹高五六丈類冬青而黑潤倍之圍可斗大方結實外有厚皮裹之其肉如橘味一實凡數百核核大於棗



茶出宣化都茗山土忠州

鷺毛被出南溪山崗案北戶錄云溪崗首長以鷺毛為被取頭頸細軟之毛如稻畦衲之暖甚

出 蟲絲即野蠶絲與東省程鄉文昌等繭相類橫州

白蠟各州縣出

慈浮竹出宣化永淳每二竹必一俯一仰可以代瓦

猫竹俗呼茅竹各土州俱出

棘竹支上有刺土人用以堵牆牢不可破

箭竹節密肉厚案禹貢云細者為篠

荆各州縣出有三種金荆可作枕紫荆可作牀白  
荆可作履與他處壯荆蔓荆全異

鐵力木各土州俱出而永淳司中山者佳

荔枝木橫州出

黃連木各州縣出最能經久即嶠南瑣記所謂勝

鐵力者是

線木宣化出枝葉似棗及檳榔而葉下有鬚如粗  
馬尾土人採之以織巾子

樟出橫州東山

茉莉瓣皆重臺案晉書都人簪柰花即此又有千  
葉者紅色者而單臺則名素馨

木槿一名佛桑有紅白紫黃數色純白者名舜英  
其紅者又名裏梅花

蘭出上思東香山

鐵樹花宣化出樹高祇二三尺幹葉皆黑色葉小  
類石楠質理細厚遇丁卯年則開花四瓣紫白色  
如瑞香畧小而圓數月不凋諺語謂鐵樹開花即  
此

虎耳草一名石荷葉一莖一葉如荷蓋狀

馬鞭草穗類鞭鞘故名

長命草一名龍牙葉厚而圓花黃而久

孔雀各州縣出

山鳳具五彩出橫州六麼山

秦吉了各州縣出紺黑色夾腦有黃肉冠如人耳  
丹味黃距舌目皆如人目下連頸有深黃文項尾  
有分縫能效人言亦有白色者

鸚鵡黑色黃口黃足亦能效人言

天雞宣化出案赤雅云朱冠錦尾其飛也翔弄暝對  
舞天雞鳴而潮雞鳴潮雞鳴而家雞鳴謝康樂詩

天雞弄和風

倒掛卽么鳳宣化隆安永淳出綠衣黃裏色甚都  
麗傍晚則雙足鈎勒架上體屈如環東坡詞云倒  
掛綠毛么鳳

綠鳩永淳出似斑鳩而色綠歲九月黃魚化出  
紅翠各土州俱出每更則鳴響徹山谷白樂天紅  
翠數聲瑤室靜卽此

山鳩色青紫鐵脚赤眼者善闕臆毛帶黑色圓小

而長者善鳴各土州俱出

風母一名風狸各州縣出案本草綱目似兔而短  
棲息於高樹下候風而吹至他樹食果子其屎如  
乳人取養之乃可得

馬各土州俱出

天蠶各州縣出楓始生時蟲多食其葉狀類蠶而  
赤間黑四月始熟抽絲亦如蠶狀色甚光明蠶人  
鬻之以作釣緜

蛤蚧橫州出蓋偶蟲也首如蟾蜍背綠色上有黃斑文若古錦長尺餘尾絕短居木竅間牝牡乃自呼其名採之入藥治肺疾

水蛙各州縣俱出

魴魚各州縣出案異物志云南方魚多不肥美味魴魚為上大者長三尺作膾炙香而美

蟹出橫州平塘江鮮美勝粵東

天蝦天蛤出宣化永淳



桂心種出交趾各州縣及各土州俱出

黑白牽牛各州縣出案本草綱目白者貴

箭頭風花似箭鏃可治風各州縣出

紅果草有大小二種小者圓葉邊花其梗有軟刺

可治牙痛

附蟻魚各州縣出能含沙射人人莫敢近

杭藥各土州俱出

太平府

硃砂出恩城土州

芝麻黑者良出崇善上龍司及各土州土司

生菜形似萵苣而香

雷公菜出上龍司樹本狀類棟木每三月採其嫩  
葉及花作羹味清而甘圃中蔬遠不逮也

柚各土司俱出

優曇鉢即無花果案方輿志狀如枇杷不花而實  
六旺崇善出俗呼為羅旺子

跳子出上下凍土州色紫黃不花而實越三四年  
結一次性滑味淡凡採掇者拍樹呼其名殼自裂  
而子跳出故名

山龍眼各土司出案虞衡志云夏月熟色青肉如  
龍眼亦龍眼之野生者

銀杏俗呼為鴨脚子

方欖土州土司俱出亦橄欖類而三角四角

布衲子形似李實而色微黃

蘇木出永康者佳樹似槐而葉微圓枝葉兩兩相對正赤色開花結實如皂莢能行血及染布帛等類

刺蜜益草蜜也左州出案李延壽北史羊刺草生蜜味甘美

狃布出諸狃谿崗

排草香出各州縣及土州土司

白膠香楓樹脂膠案梵書謂之薩闍羅婆香

簕竹案虞衡志葉大且密畧似蘆葦

屋竹即油梧竹

人面竹虞衡志節密而凸宛如人面人采為拄杖  
今太平州尚中多有

桃竹出各土司枝長葉纖肌青皮薄又格古要論  
椶竹出廣西葉如椶閭身似竹堅且實亦名桃竹  
弩丹都管村出

金汗木出思州土州

檀各州縣出有黃白紫三種樹葉皆似荔枝皮色潤澤而香案犀芳譜檀香一名旃檀一名真檀

泡花出羅陽土縣似柚而花較大色白如珠風味與茉莉素馨差近而清濁相懸

翦紅紗花莖高三尺葉旋覆夏秋開花狀如石竹而稍大四圍如翦紅鮮可愛各土州出

龍鬚草各州縣出

金盞草即長春花狀如盞子四時不絕其葉可治

腸痔血症

鶴出崇善盟猿洞

相思鳥各州縣出紅喙綠衣顏色鮮好雌雄不相離籠其一放其一飛翔左右無遠去者

烏鳳谿尚出案爾雅翼云如鵲而紺碧鬣頭似鳳尾垂二弱骨各長尺四五寸其末始有毛羽亦似鳳聲清越能為百蟲音

孔雀各州縣出土人謂之鳴鳳

秦吉了各州縣及各土司俱出

虎出各土州土司

馬憑祥土州出

木狗寧明州出案翁太古冀越集云形如黑狗能  
登木其皮為衣褥能運動血氣

蟹螫即斑蚝斑言其色螫則言其毒如矛刺也秋  
食豆花因名而羽則似玳瑁

香魚崇善出詳山川



鯿魚出崇善龍門江

七星魚即黑鯉紫黑色首有七星形如蛇各州縣  
出

金桔欖安平土州出藤本葉大而尖面青色背灰  
色生根底土中春夏間土人掘取狀如檄欖內白  
外黃遇烈日暴乾治咽喉齒口等症亦解嵐瘴

山豆根萬承土州者佳苗蔓如豆葉青經冬不凋  
根解熱毒

金不換各土州俱出木本生於石罅高不過三尺  
葉厚而三叉性涼味苦筋骨閃挫熱酒濃磨敷之  
立瘥其治喉牙功齊楛欖

附螂蛆亦名蜈蚣狀若水蝦小至一寸大至一丈  
其尾閃閃有光山中修蛇無故死者皆其所傷  
蛇腐後又復化此

人面蛇紫江湖紀聞云能呼人姓名以害人惟  
畏蜈蚣

兩頭蛇如小指大長尺許腹下鮮紅背錯錦紋  
一頭有口眼一頭似有口眼而兩頭俱能進退  
案博物志馬鱉食牛血所化

### 鎮安府

硫磺出黃泥坡巡撫金鉞奏明開採足備通省各  
營所需并可接濟鄰省

米出鎮安者粒大味勝於常

大麥各州及各土州俱出

薏苡米 瑤人多種之 以為糧

布巴 出湖潤 寒歲歉則土民食之

雞骨菜 即枸杞芽

油菜 各州俱出

桃 出歸順州 都康土州

柑子 歸順出

波斯橄欖 各州俱出

李 出上映土州

綖各土州出案虞衡志云如線羅上有徧地小方勝紋

練子各州及各土州俱出畧似苧布其有花紋者謂之花練土人亦自貴重

桐油子各土州俱出

方竹出歸順奉議二州體如削成勁節直上用以作拄杖甚佳

青皮竹即蒲竹奉議出

籐竹各土州俱出

鐵力木各土州俱出

線木下雷土州出

甘蕉花一名紅蘭花如石榴日拆一兩葉自春及秋鮮綠可愛

吐綬雞奉議出綬常時不見每春夏晴明則向日擺之故名案禽經謂之避株古今注謂之錦囊述異記謂之錦帶功曹皆是

綠鳩出下雷土州湖潤寨

野鳥各土州出

肉翅虎出谿崗最深處案赤雅云出石抱山晨伏  
宵出比凡虎差小翅如蝙蝠眼閃閃如陰燐渾身  
斑紋飾其皮可辟百鬼

猫上映土州出皆柔毛利齒尾長腰短者

蟹出歸順奉議二州

錦地羅歸順出案本草綱目云根似草解及括樓

狀人頗重之以充方物

附黃金茄各州及各土州土寨俱出狀若檳榔

關

而色黃人誤食之立死案廣州志蝦醬可解

柳州府

爐甘石融縣出爐火所重其味甘故名案本草綱目乃金銀之苗也其塊大小不一狀似羊腦鬆如石脂亦粘舌產於金坑者其色微黃為上產於銀坑者其色白或帶青或帶綠或粉紅



紅白稻象州出者第一五月種九月熟

苧禾米雜容出

陸肆禾晚陸禾俱以熟之先後為名各州縣出

薑出象州東鄉里

蘘荷俗呼為甘露子根如蠶蛹莖葉如薄荷能治  
蠱味極甘脆唐柳子厚任柳時種此有詩

菜豆象州出有夏秋二種三月種而五月熟名曰  
夏菜豆七月種而九月熟名曰秋菜豆

西瓜各州縣出

番瓜懷遠出

梨出懷遠者佳有重及觔餘者

楊梅案北戶錄名杔子各州縣出

葡萄柳城出

李象州出者味甜美案虞衡志云綿李勝常品擘之開如離核桃

柑子馬平出

茶油樹各州縣出

漆來賓出

木綿雒容出

皮布懷遠出

絨花被柳城出

鬱金香羅城出案本草綱目生大秦國二三月有  
花狀如紅藍四五月採花即香也古樂府所云鬱  
金蘇合香即此

丹竹各州縣出高四五丈圍二尺許節闊葉大狀如甘竹皮赤

大頭竹即枕榔竹懷遠出

桃枝竹各州縣出案虞衡志云生石上葉如小椽  
櫚人以大者為杖

臘脂木各州縣出木堅緻色似臘脂案本草綱目  
種有四而此則開花似蓼者

黑木即烏木融縣出

月桂懷遠出園可合抱四季著花其香馥郁

牡丹柳城出

不死草即苴草馬平出高一二尺狀如茅食之令人益壽俗呼為不死草夏月置盤筵中蚊蠅俱不敢近物亦不速朽

書帶草懷遠出

猗蘭草懷遠出

八哥雒容出

秋風鳥柳城出

海南鳥即子規各州縣出

山羊出羅城柳城

山馬羅城出

馬雉容出

玉鈎魚出柳江鱗脊文理皆似鯉狀而首獨異上

唇寬三寸許曲如鈎白如玉因名

武陽魚俗呼為武陽小魚大如針有味

鱸魚懷遠出

艾葉羅城來賓出

豬腰子出馬平羅城案本草綱目云蔓生筴肉子  
若豬腎狀長三四寸色紫而肉厚能解諸毒

五加皮一名文章草五葉者良出柳城雒容案煮  
石經云金鹽母可以得長壽金鹽即五加也

附豬米象州出種植易生亦有紅白二種八月實  
者曰早粘九月實者曰晚粘人久食體疲民俗

俱以養畜

苦蔓草各州縣出

醉葡萄即悶陀羅子生刺如雞卵各州縣出

報冤蛇案朝野僉載嶺南有報冤蛇人觸之即三五里隨身而至若殺其一則諸蛇皆集惟取蜈蚣佩之乃免柳州出此另詳雜記

慶遠府

銀出河池州蔡村南丹土州掛紅山



銅出南丹響水廠

錫南丹土州出

丹砂宜山出案虞衡志云出砂處與湖北大牙山  
相連北為辰砂南為宜砂老者白色有牆壁如鏡  
生白石牀上

赤石脂案本草綱目云宜州諸山出以色理鮮膩  
為佳

香稻色味香美勝餘米天河出

杉菌各州縣出生積年杉木上色青者甘平無毒  
不減桑耳

鹿角菜各州縣出

石栗各州縣出案南方草木狀云樹與栗同但生  
於山之石罅間殼厚而肉少味類核桃仁

烏章即土絹案赤雅云集烏毳之精織成文章者  
謂之鎖袂粗者布於獐狝謂之鶩罽

苧麻各州縣出

赤麻各土州俱出

甘露藤那地土州出案本草綱目藤蔓如關人服  
之得肥一名肥藤

觀音竹即稜竹可為扇歲久者佳南丹土州永定  
土司出

朱竹出各州土司深尚

沙麻竹各州縣及各土州俱出

穀木各州縣出

虎斑木河池出文理似虎斑猶勝黎山鳳眼龍膽  
等木

杉木出思恩荔波案月山叢談二縣西北界與貴  
州爛土黎平接壤有美杉生山下或云諸葛武侯  
伐而埋之夷人每候其地有紫氣上騰則羣聚穿  
土輒得堅類牛角入水即沈

風蘭各州縣出案廣州志云花從葉心抽出雙朵  
懸於簷前不著水土自然繁茂

薤花河池出側垂高巖下似小金蓮節間另行枝  
葉俗呼屈子花

雁來紅莖葉穗子並與雞冠同九月鮮紅望之如  
花又有六月葉紅者名十樣錦各州縣出

史君子花出各土州土司案虞衡志云花蔓生作  
架值之夏開一簇一二十葩輕盈似海棠

草犀那地土州出獨莖對葉形若燈臺根若細辛  
解毒則功若犀角

都管草各州縣出案本草綱目葉似土當歸有重  
臺根似羌活長一節苗高一尺許

蚊母鳥即吐蚊鳥各土州出案異物志五嶺溪山  
深處有大鳥如鷓鴣捕魚而食嘗鳴蚊輒從口中  
飛出謂之吐蚊鳥俗傳採其羽為扇可辟蚊

烏鳳永順土司出

山羊南丹那地土州出以常食三七葉取其血更  
佳

地蠶一名無頭酢形如蠶生深山僻處獠人得之  
以為酢食之可禦寒

斑猫各州縣出

三七南丹那地并各土司俱出

鷲抱出宜山河池案本草綱目蔓似大豆附石而  
生其根形似萊菔大者如三升器小者如拳能解  
蠻箭藥毒

山豆根宜山出

錦地羅宜山出

無名異案本草綱目產宜州每生於石上形似石  
灰嚼之如飴大者如彈丸小者如黑石子收濕氣  
消腫毒癰疽

附羊角紐各土司俱出

蚊子樹案嶺南錄異云樹如冬青實如枇杷熟  
即坼裂蚊子羣飛惟存皮殼

思恩府



布巴遷江上林出

種禾各州縣及土屬俱出顯大而香味長九十月  
收穫連草逐莖摘之盈把終歲不脫

三角粟狗尾粟九土司出

山薯一名玉延各州縣及土州土司俱出

山韭一名藿出遷江上林根白葉如燈心苗案陳  
直奉親養老書有藿菜羹即此

山薑本出交趾案嶺表錄異云莖葉皆薑也但根

不堪食而微小爾花生葉間作穗如麥粒嫩紅色  
俗呼含胎花

雷公菜出各土司

竹筍方竹者肉厚而味甘案宋僧煮竹譜云凡食  
筍譬如治藥得法則益人採時先宜避風日見風  
則本堅入水則肉硬脫殼煮則失味生著刃則失  
柔煮之宜久生必損人

佛手柑賓州遷江上林出

荔枝武緣及土州土司俱出

龍眼賓州出小而佳

檄欖一名青果各縣俱出案嶺表錄異云樹枝皆高聳其子深秋方熟南方爭重生咀嚼之味雖苦澁而芬香勝於含雞舌香

山韶子各縣出案虞衡志夏熟色紅肉如荔枝

偏桃田州土州出樹扶疎直上枝葉秋冬不凋每二月另抽嫩枝細花叢生色淡黃結實五月熟大

如桃黃色味甘香

鬱金香州縣俱出

茶出上林茶山

漆武緣遷江及土州土司俱出

穀紙田州土州各土司出以穀木為之因名

草紙舊城土司出

綿武緣及土州土司俱出

斑布遷江上林出

葛布出賓州者佳

藤可作器

篋簞九土司出

麻有油麻黑麻二種

丹竹武緣縣田州土州者佳

紫竹田州土州出

紫檀出賓州上林案格古要論木性堅新者色紅  
舊者色紫有蟹爪紋新者以水浸之可染物

黃楊木各縣出案酉陽雜俎凡取此木必以陰晦

泗城府

水銀出泗城生熟二種

三角梁西隆出

附藍蛇各縣俱出

廣西通志卷三十一

欽定四庫全書

史部  
廣西通志卷三十三

詳校官給事中臣鄧文泮

檢討臣德生覆勘

總校官進士臣朱 鈐

校對官中書臣李 荃

謄錄監生臣徐天駿

欽定四庫全書

廣西通志卷三十二

風俗

被於上者謂之風形於下者謂之俗與時移易政  
教所由尚矣粵西嶺服諸蠻徭錯居外土著無幾  
民或多自他省徙至者風俗益難一致焉我

國家

聖聖繼承仁義中正之治海隅日出靡不漸被百粵喬



野躬潤澤而樂豐美浸浸乎禮陶樂淑而質有其  
文矣則夫風聲逖聽而孝秀成俗繼自今陳常爾  
極皆徧德也豈曰剛柔燥濕之殊奢儉貞淫之異  
無能更化也耶志風俗

通省

元日無論縉紳士庶家設香案拜天地祖宗父母  
往來賀歲立春先一日府州縣排列綵亭設土牛  
迎春於東郊元宵懸燈放爆竹自初十至十六日

嬉遊以為樂清明祭墓供烏米飯五月端午節龍  
舟競渡折艾插戶飲菖蒲酒角黍相餉婦人製五  
色香囊佩身以辟邪六月六日曬白醪七月七日  
乞巧八月十五中秋供月九月九日登高村墟中  
或聚衆賽會十月初一祭先製紙衣往墓前焚化  
謂之送寒衣十一月冬至蒸粽十二月二十四夜  
送竈除夕換桃符交子時接竈

婚聘不重財用檳榔豬酒遍分親族新婦見姑嫜

必抱子乃許坐女生子須母家送銀項圈乃攜外  
孫登母門凡會親以竹葉包檳榔代帖客至茶罷  
進以檳榔病專祈禱不事醫藥喪尚浮屠葬則掘  
地蓋土或疊石以圍其旁神鬼堪輿之說爭相畏  
奉見理未明若與性宥祭祀之品隨所有陳設無  
一定之數牲牢酒醴精潔不及中土大抵俗尚簡  
陋比年

聖教誕敷官於此者莫不思有以改其舊凡壇廟諸祭

必致誠致恪以先之其將漸趨於禮乎衣服惟事  
布素不尚華綺紗緞綾羅富厚之家遇吉禮則一  
御之村巷窮民竟有畢生不一見者飲食惟知果  
腹宴會止雞豚常品剖活魚細切備辛香蔬醋諸  
物下箸拌食曰魚生勝於烹者屋宇用磚木無異  
中土而多用竹為棟為楹為柱為瓦悉取材焉其  
制較便然不堅固外此則茅簷土壁甕牖而居古  
風猶存為士者一經自畫不知窮究墳典為農者

力田鋤口不知蓋藏積貯工則畧習粗迹以為業  
能運巧於心者僅矣商則牽車服賈近在百里未  
聞有遠涉以求利者

桂林府

桂林為廣西首郡城內外商賈遠集粵東江右人  
居多見聞盛於他郡士尚經術而禮讓興雖家貧  
未嘗廢學衣冠人物蔚然可觀地理志曰楚地火  
耕水耨民食常足虞衡志曰習俗淳古桂林志曰

嶺南地氣卑下惟靜江與湖湘接壤民風習俗不殊中土又曰八桂之俗不事浮靡杜工部云宜人獨桂林可以得其槩矣

臨桂縣

臨桂為桂林首縣氣候與江浙類衣冠與中州同包裕縣治記曰民訟簡直習俗淳古山拔水清士多秀美知經術登科膺仕代不乏人至今猶然

靈川縣

靈川自唐始分縣近接全湘驛置衝劇然人民頗沾清淑氣又歷朝學校遞興被服治化故風俗淳美官於斯者幾不知其為邊方冠婚喪祭居然中州

興安縣

民務農業暑雨初寒不辭力作敦儉樸鮮有爭鬪事為士者以禮自閑好讀書崇文墨風氣習尚與臨桂相類

陽朔縣

陽朔與平樂壤接邑志云士尚經術農力稼穡工不求甚巧賈不願致遠又曰民樸而不知法士文而鮮好古考其素業非獵則漁非農則樵穀蔬締布衣食常足富無至於千金貧無致於凍餒紀實也

永寧州

民安本業家無積貯士知教化俗少浮誇女不鬻



桑市鮮貿易民用悉資鄰境禮數漸趨於文

永福縣

邑志曰民務力穡不樂為商賈貿易事亦不知積聚耕作以食可免饑寒吉凶之禮安於儉樸有質而文治機其在上歟

義寧縣

士大夫篤行誼恥浮薄鮮有機械之巧民性質樸務耕種不習工商而好稱貸禾栖之利不健訟少

賭博游手貧則傭工以度日

全州

州與湖南接貿易者多遠方之人相聚為市婚姻喪祭各從其習山水清曠田野沃潤民以耕漁為業士子讀書登科甲者甚衆王禹偁曰民訟甚簡劉岑全州學記曰君子有齊魯之風

灌陽縣

冠婚喪祭悉遵文公家禮勤力生業事簡而訟少

負販者莫不能筆具字齟齬之童皆知讀書縉紳  
家雅好華麗蓋遊宦遠方耳目濡染故與偏僻小  
邑異云

平樂府

平樂古昭州地士鮮博通農務稼穡結茅為宇罔  
知儲蓄一切商賈經營懶於從事自范祖禹鄒浩  
謫居其地正氣漸摩才士蔚興襲冠裳而稱禮讓  
風俗為之一變舊志曰民俗視沅湘伯仲食用儉

樸不習講張多老死不見官府猶有古遺風

平樂縣

厘市民居遠則東粵近則全州鮮有土人士衿每  
以治生為苦然不事干謁頗知自好民但務農不  
諳商賈雖厚積亦無繁費故途罕乞人婚禮迎娶  
民間用肩輿孺童姆扶女用雨蓋蔽面富家大族  
時有以異姓為螟蛉者山川鬱秀文風頗盛前代  
科目得人甲於諸郡

恭城縣

縣在府西北地鄰衡永風聲氣習尚相近力耕自便罕赴官司婚娶不重財賄葬埋不知封植惟治葬前三日設酒讌於家親疎遠近咸赴飲而歌喧傳戶外俗之最宜亟變者也士子頗好讀書縉紳安儉樸出入鮮用輿蓋賦役徵輸歲無逋抗於平樂八屬中其俗較淳

富川縣

漢徭雜處俗尚樸陋重巫鬼習雞卜民性悍而狡  
一羊一牛輒結訟不休官吏求之太急即潛避於  
深山大麓自昔稱難治焉男女答歌相配合窮民  
之婦日汲水鬻錢以養其夫而詩書之彥於朝東  
秀峯兩村為獨盛

賀縣

俗尚質樸居恒服葛槌木綿如縑絲之屬惟慶賀  
諸吉禮乃一御士知力學登科甲者代不乏人民

多桀騫好興訟然頗知務稼穡男女相力作蠶桑  
之利殆鮮習焉

荔浦縣

商賈皆東粵三楚人冬歸春聚邑民但知耕植不  
諳貿遷士鮮饒裕甚或身無完衣然崇尚廉隅不  
事干謁饒有良士風村寨間語言怪俚社日男女  
答歌遊戲偶爾睚眦必相擊以為快習為故常湔  
洗固在良吏矣

修仁縣

四鄉民獷雜處皆秉性粗疎好爭訟男務耕讀女  
事紡績吉凶禮儀相沿儉樸服食器用不尚華侈  
茅茨自安家少葢藏趨墟之日男女歌答惟獷人  
為然

昭平縣

縣城居民鮮少商賈集於城外諸鄉則民獠雜處  
人多機智習爭訟士皆文采可觀然少謹飭循禮



法鄉曲或以武斷相聽從近者畏服政教亦漸知  
革薄返淳雋拔負氣趨善殆更易為力乎

永安州

土瘠民貧人以耕種為業不事技巧商賈貿易流  
寓者多詩書之族頗勤於學而孤陋不免比戶茅  
簷竹舍儉樸成風民與猺獞雜處而民居其三百  
粵多畜蠶永地先時亦間有之

梧州府

梧郡當兩粵之交數邑風氣不甚懸別里人質直而信士大夫貴節尚氣宦遊者慕清修林居者謹干謁屋宇編竹葺茅器用樸素民之近山者樵近水者漁有陂池山澤之樂鮮商賈經營之事故俗頗淳古而家少蓋藏方輿勝覽云知學務耕民俗儉樸

蒼梧縣

音樂間美有京洛遺風城外商賈輳集類多東粵

人里民為其漸染行事漸尚紛華市中貨物盛於  
他邑鄰封日用所需皆取資焉川浴山謳手搏鼻  
飲事出蒼梧舊紀今雖僻遠鄉落久知以陋習為  
恥彬彬日變矣

藤縣

地廣人稀俗尚簡樸務本者多逐末者少衣冠制  
度與中州並美

容縣

容州志曰宋南渡後北客避地者多衣冠度數無異中州又曰閩楚江浙人多有僑寄此者與東粵接壤其類更衆而土著實稀相傳緣都嶠山秀聳客位以致流寓日盛若務本力農罔識貿遷故與岑藤類

岑溪縣

民性淳良而少機巧士知讀書而少浮囂服舍樸素無文飾飲食儉約婚喪以貧富為厚薄緣情合

禮嶺邑差為善俗

懷集縣

懷集志曰懷俗豐儉相權務力穡先公賦士民性  
習簡樸李盤曰吾觀懷集之民擎拳椎髻有狂獠  
風耕田鑿井有含哺風土垣竹屋有茅茨風方塘  
一畝菁篠干竿有養魚種竹風其為士者布袍蔬  
食寧蒙頭編戶懶干謁公庭有武城澹臺氏風其  
古處自期弘獎麗澤邑長弗能辭也

潯州府

古荒服地山水竒秀民淳訟簡風俗不殊中土自  
漢谷永吳陸績迪之以詩書禮樂漸知儒化迨宋  
明道伊川流風廣被士子益翕然向學民惟務稼  
穡不諳服賈勤謹儉素頗有古風風土記云力耕  
為業不產蠶絲人物純和無事諂詐俗可想見矣

桂平縣

士民猺狼雜處田少山多衣冠禮儀崇尚淳樸秀

而士者知肄業以廣聞見愚魯之民惟以耕鑿為務

平南縣

民俗淳樸不事機巧古圖經云平南罕習軍旅猶慕文儒頗勤農務然人性輕悍信巫鬼重淫祀又曰椎髻箕踞乃其舊風

貴縣

懷澤志云貴土尚樸素不事華飾不機巧取利士

多志學雖貧亦延師教子以故科名獨盛男子務  
耕讀婦女守閭範頗知崇尚廉恥風土溫厚雖凶  
荒亦無乞丐去其輕悍故習繼美增高服化良於  
鄒魯矣

### 武宣縣

舊隸賓州今改為潯州所轄民物淳良烏言牒訴  
視鄰壤特少輿地志云武宣民不住地架板為樓  
以居下頓牛畜謂犛犗也



南寧府

內制廣源外控交趾與東粵廉欽接壤風土特溫  
厚質性淳樸其間人品同青兗言語近荆襄安土  
重遷少習商販民生藉耕種士類知尚學衣冠文  
物自唐開五管古邕後先容桂比年踵事增華大  
有吳中氣習以百貨駢羅商賈絡繹為東南一都  
會也

宣化縣

土厚民庶殷阜之象於邊陲為最但鹽楨絲枲之  
利陶漁珍錯之息歸之客戶家無儋石者多詩書  
之胄嗇縮田野五方僇子蹂雜其間凌競漸開掛  
案牘而構訟者紛紛不啻江南一劇邑矣

### 橫州

人重廉恥尚文學男子不務耕商好賭博婦女知  
守閫則勤刺綉服式同京師凶荒少乞丐勁悍成  
風視官長好惡以興訟荒於本業資鄰邑工技以

為生里巷豐歉以穀價貴賤差蒼頭樵薪於山女  
婢負米於市占籍者多山東之族

上思州

人物質樸居城市者日即於文知學問循禮法鄉  
村之民澆漓未化猶有土風男業耕不知服賈婦  
紡織不諳刺綉病則祀神喪祭之禮親族宰豬羊  
先期致祭喪主備金以償之男女趁墟肩臂相逐  
恬不知怪故習未改易鄭衛為鄒魯司土者之責

歟

新寧州

舊志云流寓城居者崇禮讓彬彬文物婚祭則甚華麗三五游惰賭博往往費產今則俗由改革矣  
隆安縣

民多愿謹畏法度行事具有儀文不安簡畧於祭祀尤專尚春露秋霜必竭誠致敬雖貧賤之家酒飯牲醴以時享之悉因其俗不敢踰也

永淳縣

民淳訟簡錯處城鄉者半宦遊商籍之裔執經書  
引仁義蔚然有人婚喪賓祭衣服屋廬規制去中  
土不遠故其俗士大夫家咸知讀書弦誦市廛商  
賈盡屬粵東惟男好逸女負勞春秋力作趨墟貿  
易率多婦女

太平府

地狹民稀男女趨墟少事畝郡志云三廂民凡

白戶男女甫有室家即分爨又云太平之民少習  
工作間有行商亦不遠涉丘濬學校記云民風土  
俗漸與中土同郡學記云士多變化皆有禮義之  
習蓋美之也

崇善縣

考縣制明嘉靖初徙入府郭廂鄉土狼雜處大都  
俗喜巫覡學少通博意民不知鑿井遠汲於河婦  
女編髮髮髻

左州

左陽舊亦羈縻地土隘而瘠衣冠飲食猶俚俗相沿十室而五婚嫁多唱歌踏青為媒妁喪葬雜以音樂飯僧為美觀

養利州

明時改流最先州城斗大環錯土司在萬山中居民稀履官府庭勤力穡無逋租俗專尚卜好鬼神事疾病不投藥餌用火灸及覘師祈禳

永康州

地瘠民貧民俗樸陋三時農務孔殷家人亦勤於  
饁餉相從耕作遇病信鬼不食藥餌每值墟場婦  
女雜沓趕趁貿易習之相近故然耶

寧明州

寧明改流未久地皆土徭舊屬思明而俗尚樸鄙  
民不知教猶與府殊馴之以法柔之以禮俟夫長  
民善術焉



思州 附

思明裁改今其地半隸寧明舊志云思地偏隅近  
接交趾夷落人民質樸畏刑罰男子刀耕火耨婦  
女業紡織設官制治後漸知讀書敦禮節永樂間  
解學士縉謫交趾流風餘韻郡俗一化

下龍司 附

下龍新以流官通判駐治地貧俗陋性頗輕悍染  
土習婚喪類多異制迪屢大同化導知有漸矣

鎮安府

鎮安舊亦思恩土屬郡志云民務農田開山耕種  
輒二三年一徙無定業人多冥頑不解誦讀冠婚  
喪祭自隨其習鮮由禮制改流後建學設官陶以  
教化詩書之秀庶幾出焉

歸順州

歸順土屬鎮安新經改流舊志云民淳而樸不事  
營謀緣山而種狀若旋螺所獲穀率連穗收貯每

臨餐乃取而舂食常瀝灰取水以代鹽味男女皆  
衣長裙裸足拋毬為樂孫雜不避

奉議州

思恩舊志云奉議山深地僻人愚不通禮法性輕  
易怒貧無積貯耕作山頂鮮知貿易事春時雜坐  
答歌相戲仍俗之舊變化猶需

柳州府

柳連湖湘風俗與全永不遠民淳事簡俗阜物庶

人少鬪訟喜嬉樂視他州為樂土韓愈羅池廟碑  
云民業有經公無負逋嫁娶葬送各有條理柳宗  
元柳州文廟記云學者道堯舜孔子如取諸左右  
中州之士時或遜焉

馬平縣

山高而秀水清而駛地暄而雪少土瘠而民淳附  
郭內外多尚詩書悃悃無華頗有鄒魯之風

雒容縣

漢與獯並有漢居十之二三男女皆力田趕墟佃  
耕而食輸租外頗堪自贍即逢儉歲亦不至大困  
喜唱歌春秋則相聚戲嬉婚娶槩用牛豕屏聲華  
崇儉約俗有足稱焉

羅城縣

柳宗元大雲寺記云越人信神而易殺傲化而偏  
仁俗好游惰男不知力田女獨苦井臼貪口腹遇  
墟日輒酤酒饜肉濫費不思積貯婚姻不用媒妁

農人歲止一熟春耕畢即宰牛以罔利官斯土者  
禁乃止

柳城縣

柳城古龍城地被服柳侯之化漸知遵法禁耳詩  
書廂民尤為秀淳服飾儀制儼然士風各鄉狼土  
戶多儉勤然尚鬼信卜好殺易讐則柳屬之人風  
氣差近積歲以時宜在更化善治矣

融縣

玉融志云融在柳州上游氣候與湘湖不殊民徧  
直尚信士淳樸知學邑志云服飾樸素男女有別  
士尚儒雅女務紡績

懷遠縣

懷民多蠢愚畏官法訟獄稀少婚禮姊妹有女必  
嫁兄弟之子名曰還舅父母喪一二日即葬祭奠  
惟知清明中元民間私立條約甚嚴遇有偷盜鳴  
衆集款不與齒故里中鮮有敢為盜者但性多剛

勁導詩書而訓禮讓俗其可進於古乎

象州

陳象郡隋唐改為象州象郡志云民不事蠶桑以績麻織布為業

來賓縣

近郭城居民多樸淳畏謹曉法度遠鄉皆矐人大率頑梗不馴貪利尋仇好殺輕命近雖漸即撫循然鼠牙雀角之風猶居然巖邑也



慶遠府

民有漢土兩種漢民俱屬外省寄籍以長子孫土  
民則係猺獞矜狼諸類俗惟績麻織布罕事蠶桑  
郡志云士族知尚禮義質直不事華靡祀祖燕賓  
率多從厚喪葬不用浮屠一遵文公家禮小民樸  
野馴謹少事爭訟宋蕭興中御書閣記云宜處邊  
陲學成最先彬彬文物迄今可想

宜山縣

宜陽舊志云宜山之民習俗頗淳但山高地瘠不  
嫻工技以故多貧而儉漢民恒自修異俎豆皆有  
古法婚姻葬祭與中土同喪禮恒相結而甲乙之  
甲有親喪凡弔祭埋葬乙為之資務修備無闕而  
後安乙有親喪亦然名曰結孝初起於貧民士類  
善之相率成俗易其名曰錫類

河池州

猺獞十居八九百姓皆屬寄籍蕃衍務農業鮮蠶

桑不學技藝不為商販俗尚陋嗇惟喜賽鬼跳神  
漢人時或效之幾於衆楚之咻矣

天河縣

民舊傳俱槃瓠遺種東西南三鄉語言各別惟北  
鄉近漢名為百姓話歲時伏臘亦知會聚婚禮以  
牛為聘每年收成後男女以物贈答或殺雞為黍  
雜坐謳歌暮方散有負官逋私債者輒服斷腸草  
以圖賴人澆風禁革近差稍息耳

思恩縣

民風近樸人心亦頗靈巧然不事詩書文風鄙俚  
火耕水耨畝畝不糞力田之外不知有末務懷讐  
構怨數世以之三尺童子皆喜佩刀是其以勇健  
為俗者也

東蘭州

東蘭因土姓仇奪新設流官撫治依山為巢跳越  
谿崗悍桀故有殊風亦知敬畏官長聽斷合情中

其罪款即俯首帖服受迎其機而導之化以禮讓  
習俗寧遂難移乎

荔波縣

荔波近改隸黔省界西粵極邊獠狔狔獠獠獠凡  
有六種雜處其間衣服佩飾既殊語言飲食亦別  
貫甲握刀強鬪成習今且漸馴

思恩府

向屬蠻貊阻於聲教自明王文成遷治後汚俗稍

變秀良子弟始知讀書習禮冠婚喪祭庶幾近於  
中州其民力本賤末家無積蓄土人則性樸而悍  
出入以刀自衛土官氏族習尚猶彷彿漢人舊志  
云民務耕績諸凡樸率從儉不失太古之風

武緣縣

民性好訟然男知力田女業紡績節晉治生安於  
樸素是其善者機也

賓州

民俗樸拙不諳商賈家無積蓄衣無苧布無大屋  
宇病不服藥專尚祭禱死喪必用佛事男女婚姻  
循儉古志云賓州百粵地狼獾雜居喪葬無禮宋  
明以來王化覃敷文風丕振科第蟬聯貽封旌表  
間亦有之

遷江縣

狼獾蠻獍雜處性好仇殺睚眦必報俗信巫鬼訟  
不經官架板為居上棲男女下畜牛豕不習詩書

不勤生業不種雜糧家無二牛廩無餘粟豐年足  
於衣食儉歲竟不可問

上林縣

百姓俱皆土著無異類雜居民風樸茂克務農業  
冠婚喪祭一遵古禮縣治之北百里外漸近土狼  
不免習染跳梁今亦蒸蒸向化

田州

附

明世蠻觸怙亂田屬為最風氣殊下思恩舊志云



田土硠瘠多種芋粟為饕餮寡儲蓄衣服器居儉  
嗇粗知禮義然心狡挾詐重財輕殺老稚出入佩  
刀婦女貿易墟市唱歌遊戲其習於土者未變也  
比以流官駐治即土司亦以撫循入上計聲化所  
暨嚮善蒸蒸焉

古零司

附

舊志云古零民樸性柔知稼穡不務商賈貧窶無  
積蓄味喜酸辛食無茶鹽跣足不履長裙短衣荒

陋未除官族子弟勸學發蒙亦有慕聲名修倫讓者矣

泗城府

泗城舊本思恩土屬今改流治鑿山而耕力勞收薄民多愚樸堅悍刻木誓信守死不踰飲食衣服婚喪賓祭事多與華異因病禳鬼至十數費甚或破產不怪然俗尚勤儉骨月知親愛猶不失上古遺風

西隆州

土民荒僻無禮制種稻山巔貧無儲積每椎牛飲  
生血人不食鹽無長力狡性報怨喜怒莫測一鬻  
之微往往操戈相向好疑重鬼會飲和歌其聲訖  
那

西林縣

思恩舊志云土人散處山林架木為室爨寢在上  
牛畜在下遇水則種積於山巔而引以灌溉終歲

一收閒則獵較射生以食不讀詩書不通漢語性情慄悍男出持鏢佩刀女出戴笠跣足嫁娶不避同姓大都與泗城西隆土習沿近今

聖化覃敷俗尚漸為轉移

直隸鬱林州

學記曰力田務本不誘於末舊志云民多蠢愚士多敏捷飲食儉嗇婚葬惟禮又州並無猺獞狔狼等類淳樸之風猶存詩書之彥不少

博白縣

為鬱林首邑地廣民繁縣志云博白夙稱風氣完  
固生斯土者往往崇尚氣節不為柔阿

北流縣

地頗殷繁士業於學農力於田逐末者少務本者  
多歲時不競奢侈姻禮恪遵典制婦人勤紡績民  
頗畏刑獄行或用木屐或跳足更裸赤而不斂飭  
此習俗之陋猶未盡革者也

陸川縣

陸邑風氣樸實不尚奢靡士子惟知守專經習舉業藏書家罕聞焉

興業縣

民以力農為業士以課誦自安商賈貿易事厭棄弗為也葆真守樸俗差近古

舊志風俗總論曰粵西古為邊服文物稍遜於中州後由張栻呂祖謙之教化被於桂范祖禹鄒浩

之正氣行乎昭柳宗元之文章著乎柳馮京黃庭

堅之德譽動乎宜二陳

陳欽  
陳元

三士

士進士  
變士壹

之經術

啓乎梧谷永之恩信陸績之儒業播於馮馬援之  
武功文成之道學暢於邕漸仁摩義賢才蔚興即  
遠至交趾之界猺獠之居咸棄卉服而襲冠裳挾  
詩書而講禮讓由是觀之革俗易化豈不在人哉

廣西通志卷三十二

欽定四庫全書

廣西通志卷三十三

蠲卹

三管之地山多田少於古號非沃壤然民勞而樸  
納賦則歲無敢後期也我

聖祖仁皇帝德洋恩普九有熙熙而尤軫念邊氓賜租除  
租史不勝紀

皇上痼瘼民瘼豁除逋征者萬萬廣西與雲貴四川雍



正八年正供均奉

德音免輸優哉渥哉蠻溪夷尚悉躋春臺視夫解阜南  
薰者曷有間焉若乃減蚡膽於泉賀却荔枝於炎  
嶺亦前代善政之一端用可錄為觀美者矣志蠲  
卹

漢

和帝永元十三年二月賑貸日南貧民及孤寡羸  
弱不能自存者秋八月詔象林民失農桑業者賑

貸種糧稟賜下貧穀食

永元十四年七月詔復象林縣更賦田租芻藁二  
歲

永元十五年嶺南舊貢生龍眼荔枝十里一置五  
里一候晝夜傳送臨武長汝南唐羌上書曰臣聞  
上不以滋味為德下不以貢膳為功伏見交趾七  
郡獻生龍眼等鳥鶩風發南州土地炎熱惡蟲猛  
獸不絕於路至於觸犯死亡之害死者不可復生

來者猶可救也此二物升殿未必延年益壽帝下  
詔曰遠國珍羞本以薦奉宗廟苟有傷害豈愛民  
之本其敕大官勿復受獻

桓帝延熹九年正月詔以此歲不登南州尤甚

長沙

桂陽零陵等郡

其令大司農絕今歲調度徵求及前年所  
調未畢者勿復收責

三國

吳孫氏嘉禾三年以兵久不輟民困於役其寬諸

逋勿復督課

赤烏三年民饑詔開倉廩以賑貧窮

晉

武帝泰始七年閏五月詔交趾三郡南中諸郡無  
出今年戶調

太康元年平吳除其苛政將吏渡江復十年百姓  
及百工復二十年

宋

文帝元嘉元年八月減荆湘二州今年稅布之半  
隋

文帝開皇九年以江表初平給復十年其餘諸州  
並免當年租賦

唐

高祖武德七年詔揚越之民新沾大化見在民戶  
給復一年

太宗貞觀元年免民逋租

高宗麟德二年四月丙午赦桂廣黔三都督府  
代宗大曆十四年詔邕府歲貢奴婢使之離父母  
之鄉絕骨肉之戀非仁也宜罷之

憲宗元和八年九月詔曰比聞嶺南五管并福建  
黔中等道多以男口餉遺及於諸處博易骨肉離  
析良賤難分此後嚴加禁止如違長吏必當科罰  
文宗太和二年帝與侍講學士許康佐等語及取  
蚺蛇膽生剖其腹為之惻然乃詔度支曰每年供

進蚺蛇膽四兩桂州一兩賀州二兩泉州一兩宜於數內減三兩桂泉賀三州輪次歲貢一兩

開成元年四月詔以遠人征賦每歲徵輸言念辛苦暫為蠲免其安南今年秋稅悉宜放免委都護田早集百姓曉示恐軍用闕絕宜賜錢二萬貫以嶺南觀察使合送兩稅供錢充之

懿宗咸通四年七月詔安南管內被蠻賊驅劫處本戶兩稅丁錢等量放候收復後別有指揮

咸通七年二月免湖南及桂容邕三管夏秋稅之  
半

宋

太祖開寶四年二月廣南平辛卯大赦免二稅三  
月丙申詔廣南有買人男女為奴婢轉傭利者並  
放免偽政有害於民者具以聞除之四月詔禁嶺  
南商稅鹽麴如荆湖法八月遣使廣南東西路踈  
決繫囚犒勞軍校父老訪民間便宜十月辛巳除



廣南舊無名配斂

開寶六年秋七月丙辰減廣南無名率錢

太宗雍熙二年閏月禁邕管殺人祭鬼及僧人置妻孥

真宗咸平二年宜州執溪峒囚三十餘人詣闕詔釋其罪遣還

咸平五年白州民黃受百餘歲賜粟帛

咸平六年廣西轉運使馮璉上言廉橫賓白州民

田雖耕墾未嘗輸送已命官檢括令盡出常租上  
曰遐方之人宜省徭賦亟命停罷

景德元年六月詔罷廣州軍貢承天節自今三千  
里外者罷之

景德四年十月詔宜柳象州懷遠軍死罪以下非  
十惡謀故鬪殺官吏枉法犯賊者並原之廣南東  
西路雜犯死罪以下遞減一等脇從受署者勿理  
又蠲宜柳象州懷遠軍丁錢及夏秋租桂昭州秋

租

大中祥符二年罷邕宜州歲貢藥箭

仁宗寶元元年除宜融州夏稅

景祐二年詔諸路緡錢歲輸京師錢重貨輕福建  
二廣易以銀江東以帛錢流民間

皇祐四年冬十一月詔免廣南民供軍須者今年  
秋租十之三

皇祐五年二月平邕州甲申赦廣南凡戰歿者給

樁櫓護送還家無主者葬祭之賊所過郡縣免其  
田租一半死事家科徭二年

皇祐中詔廣西賦布匹為錢二百訪聞有司擅損  
其價重困遠人宜令復故

皇祐五年五月詔儂智高所至州無城壘若兵力  
不敵而棄城者奏裁又詔轉運司賑邕州貧民戶  
貸米一石

閏七月詔廣南民逃未還者限一年歸業其復三

歲

嘉祐六年夏四月詔嶺南官吏死於儂賊而其家流落未能自歸者所在給食護送還鄉

神宗熙寧三年以全州歲貢斑竹簾道路擾民命停罷

熙寧九年三月恤欽廉邕三州死事家瘞戰亡士賊所蹂踐除其田征

四月癸卯詔廣南亡歿士卒及百姓為賊殘破者

轉運安撫司具實并議賑恤以聞贈廣西死事將士官有差

五月丙辰詔邕州沿邊州崗首領來降者周惠之壬申詔安南諸軍過嶺有疾者所至護治

七月癸亥詔廣西死事官無子孫者許立後

九月詔卹嶺南死事家表將士墓

元豐二年五月乙酉詔安南軍死事孤寡廩給之七月提舉廣西劉誼言廣西民出役錢至十九萬

緡於廣東西監司提舉司使官月給裁損其數亦  
可少寬遂詔吏輩月給錢遞減二千歲減役錢一  
千二百餘緡

哲宗元祐元年四月尚書省言遠方奏讞待報淹  
繫甚衆請川廣福建荆南路罪人情輕法重當奏  
斷者申安撫或鈐轄司酌情決斷訖奏從之

高宗建炎三年八月減廣南歲上供銀三之一

紹興二十年二月蠲靜江府昭州上供折布錢三

之一

紹興二十五年四月減廣西路折米錢

孝宗隆興二年三月壬子以廣西賊平詔減高藤

雷容四州雜犯死罪囚釋杖以下蠲夏秋稅賦

淳熙十年罷昭州歲貢金

淳熙十一年十一月助廣西諸州歲計十萬緡

寧宗嘉泰四年八月除靜江府昭州折布錢

理宗寶祐六年五月丁巳李曾伯言廣西多荒田



民懼增賦不耕乞許耕者復三年租後兩年減其租之半守令勸墾闢多者賞之奏可

景定元年詔全岳永衡柳象等州縣經兵農民失業開慶以前二稅盡除之

元

世祖至元十七年詔覈阿爾哈雅所俘戶悉放為民時阿爾哈雅下荆南江西廣西海南之地及尚夷山獠俘獲三萬餘人悉為奴婢自置吏治之責

其租賦命行臺御史大夫姜衛檢覈之放為民

成宗元貞二年五月以調兵妨農免廣西容州等

處田租一年

元貞二年秋七月廣西兩江道饑賑粟有差

大德十年三月柳州民饑給糧一月

泰定元年免兩廣諸州差稅一年

泰定二年秋七月慶遠溪崗民饑發米二萬五百

石平價糶之

泰定三年六月梧州路屬縣水旱蠲免其租

泰定三年十一月慶遠安撫司饑己亥以廣西靜江象州諸路饑並賑之

文宗至順三年慶遠南丹等處溪崗軍民安撫司言所屬宜山縣饑疫乞以給軍積穀二百八十石賑糶從之

順帝至正元年四月臨賀縣民被寇抄掠者發義倉糧賑之

明

洪武元年詔免逋租

宣德二年詔免災傷流民賦役三年

正統五年詔減官田賦額十之三

成化二年減各州縣土貢之半

成化四年免鹽鈔有差災傷去處戶口食鹽俱免  
輕者減半

成化十一年豁荒田額租有差自景泰以來州邑

為賊蹂躪田荒租逋民苦征斂蒼梧容縣民甘觀  
保等詣闕奏免徵督府韓雍覈實以聞停荒田之  
賦蒼梧停三千一百六十一石容縣停五千二百  
石鬱林停五千餘石北流停六千三百石

正德十六年十一月罷廣西香貢仍遍諭各處鎮  
巡守備官凡額外之征皆罷之初中官鎮廣西者  
歲以零陵香進費至二千金武宗即位詔却諸獻  
而廣西徵香貢如故至是布政使王啓等請并罷

詔從之

萬曆六年免徵驛夫銀一年仍減額銀著之令甲  
先是巡撫吳文華檄驛傳羨贏逋負議捐額以甦  
合省俱得免徵一年自是歲征亦減舊額之十一  
萬曆十一年罷無名之征蒼梧縣水西坊經紀銀  
七十兩榕樹潭經紀銀五十兩鬱林州辛倉埠魚  
鰕稅銀五十兩陸川縣魚鹽稅銀五十兩北流縣  
豬稅銀三兩興業縣路擔鹽稅銀一兩三錢

萬曆十一年豁蒼梧藤縣無徵米自清丈後民以  
虛糧為累蒼梧藤縣尤甚是年十月編審百姓赴  
訴知府林喬楠為請於上減米一千四百二十三  
石八斗三升零藤縣減米一千四百二十三石八  
斗三升零皆免編

萬曆十二年正月減梧州府屬積穀各屬或減半  
或減三分之一

萬曆十二年秋梧州大旱蠲免蒼梧縣災米知府

林喬楠查勘蒼梧縣計被災米八千六百八十石  
五斗八升照例蠲免

萬曆十四年七月賑梧州饑時大水城外水高一  
丈五尺廬舍田禾盡被滄沒蒼梧及各州縣漂流  
民舍俱至數百家被災田糧各數百石米價騰湧  
發穀賑之又行盤鹽廠左右江穀船過廠發糶十  
之三

萬曆十四年摘丈州縣積荒田地糧米各除豁有



差以十二年奉恩詔通行再加摘丈知府林喬楠  
據州縣報除豁

萬曆三十三年罷稅鹽

萬曆四十六年發倉粟賑民轉糴於廣東是年大  
旱柳慶邕潯梧皆無收諸郡饑死枕藉流離自鬻  
者無數梧州知府陳鑑盡發倉穀平價於民又以  
價轉糴東省相濟民賴全活

泰昌元年十一月詔免各州縣新餉稅課所設盡

免初鬱林州貢葛布萬歷十五年令貢鬱葛一千  
疋又令貢二千疋工部覆奏定每歲一百疋至是  
奉恩詔盡免

天啓三年革里甲雜派知縣梁子璠莅任以蒼梧  
里甲額編四差款項具備又有新官上任過客供  
帳往來夫役皆當年里長出派病民乃逐一裁汰  
其應用者官發銀買或借應仍申請榜禁永為定  
例又櫃頭庫史誌書硃燭紙劄一切供應皆革之

國朝

順治十二年蠲免十年十一年分未完糧巡撫陳

維新題免

順治十三年蠲免十二年十三年分糧巡撫于時

躍題免又諭百姓墾荒田官給牛種

順治十六年四月給梧州府城外地還民業城外

廬宅地基皆民恒產大兵至盡為營房推官閻政

請巡按田昇龍奏請各給還民

康熙三年廣東民自五月至十月徙至梧州者數千人知府黃龍查給錢米仍隨地安插歲時賑卹願往別州邑者量給路費全活甚衆間有奸棍畧賣子女皆重懲之

康熙四年懷遠饑知縣向大觀請巡撫金光祖發庫銀千兩賑之

康熙十三年十月蠲免蒼梧縣本年未完錢糧是年大兵駐梧徵需旁午百姓困於供億及緹寇陷

城時錢糧僅完十之六七百姓奔逃糧票散失新  
委知縣馮昱出示對票徵糧而戶書收糧票尾流  
水官簿亦被燬無可查對里民陳訴丐免城守屈  
大法詳請督院一槩免徵

康熙十六年八月豁免十六年分錢糧知縣何炯  
言於巡撫將軍傅宏烈請行豁免

康熙二十一年平樂藤縣大水賑恤有差

康熙二十一年河池州蟲災賑恤有差

康熙二十一年免馬平等七州縣并武宣縣徵過  
銀米

康熙二十二年免十七年以前民欠錢糧稅銀及  
帶徵錢糧

康熙二十四年赦死罪軍罪以下

康熙三十三年蠲免應徵地丁銀米

康熙四十三年蠲免地丁各項錢糧

康熙四十六年臨桂縣額徵折色每年浮出銀六

十八兩零知縣楊永斌詳請銀隨米減每石減去四合八勺四抄歲減米一百一十四石四斗零

康熙四十七年未經具題各案情真者俱停處決緩決者減等矜疑者俱照例發落

康熙五十年全免應徵地丁銀并歷年舊欠俱免徵

康熙五十二年免審增丁銀雜派項款永行禁革鰥寡孤獨貧民無以為生者將各省積穀酌量賑

濟

康熙五十八年地方災傷已經察勘蠲免賦役

雍正元年免各年久民欠錢糧

雍正五年思恩府陸幹仙湖清水喬利等八墟小  
稅署府事同知耿鱗奇詳請以歲徵各土司地糧  
加耗存六銀內捐解自今肩挑背負者永禁不得  
抽收貧民便之

雍正六年叙勘廣西官兵勤事八達者卹賞有差




雍正七年柳州府詳免牛稅

雍正八年全蠲通省地丁銀三十五萬三千九百二十七兩有餘

雍正九年泗城府改土歸流邊方民力務在撫綏年例雜派陋規萬餘兩業經革除六年舊額糧銀一千一百二十八兩八錢零及五年佃丁欠賠等穀二千九百一十四石九斗

恩予豁免

雍正十一年臨桂縣民梁一柱壽百歲給銀建坊  
雍正十二年卹賞勦平鄧橫賊蠻立功病故陣亡  
各弁兵及在事有功官弁等叙賚有差



廣西通志卷三十三